



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

30. Quæ sunt illa quæ Seraphicus amor operatur in anima exercitatoris.

[urn:nbn:de:hbz:466:1-50980](#)

DE EFFECTIBVS, QVOS GRADATIM
*iste amor vnitius & perfectius in anima
 operatur.*

C A P V T XXX.

Opera siue effectus, quos iste diuinus amor
 & spiritus supernæ contemplationis, in
 mente deuota gradatim operatur, secundūm
 doctrinam Sanctorum sunt sex isti gradus,
 { Illuminatio, { Desiderium,
 { Inflammatio, { Saturitas,
 { Suauitas, { Raptus.

Et significantur per sex gradus, quibus Salo-
 mon ascendebat ad thronum, qui erat in alto
 positus: quia eodem modo Christus Iesus ascē-
 dit per eos in altiori portione animæ nostræ,
 quæ dicitur apex mentis: & illuc residet, cum
 eam plena pace possidet.

P R I M V S gradus, vel effectus, quem iste su-
 pernus amor in anima contemplantis opera-
 tur, dicitur illuminatio: postquam enim illius
 igne seraphici amoris inflammatur, relinquie
 in ea quandam experimentalem Dei cognitio-
 nem: hic cognoscit anima Deum esse fontem
 totius bonitatis, nobilitatis, & speciositatis: &
 dignum omni honore, gloria, reuerentia, &
 laude. & ex comparatione ad ipsum, cognos-
 cit seipsum esse miserabiliorem, vilorem, con-
 temptibiliorem, & abominabiliorem quam a-
 liqua mortali lingua exprimi possit. Et com-
 parans Deum ad seipsum, cognoscit nihilomi-
 nus quanta sit eius dulcedo, & clementia: quia
 suæ sapientiæ tam inæstimabiles thesauros di-
 gnatur

gnatur in tam vili loco, scilicet sua abominabili conscientia, & anima peccatorum omnium spurcijs plena reponere.

SECVNDVS fructus, siue gradus huius vnitius amoris, quæ est in hac altissima contemplationis pars, vocatur Inflammatio. nam anima illuminata habens experientiam speciositatis, sublimitatis, & nobilitatis diuinæ manet in tantum inflammata eius ignito amore, ut nihil aliud cogitet, neque in alia re delectetur: neque cogitare vel loqui aliud vellet. Et tunc abhorret prorsus omnem carnis voluptatem vndeunque venientem.

TERTIVS effectus, siue gradus est quædam suauitas & delectatio. Vbi enim anima fuerit illuminata, & igne isto diuini amoris inflammata, oritur in ea quædam ineffabilis delectatio, omnes superans mundanas delectationes, sicut mellis dulcedo fellis amaritudinem. itaque modicum quid illius supernæ dulcedinis præualet, & plus animam delectat quam omnes mundi huius quæ fuerunt, & sunt futuræ carnales delectationes.

QVARTVS gradus dicittur esuries, vel desiderium: cum enim anima contemplantis sic illuminata, & delectata in Deo fuerit, sicut dictum est, desiderat ita vehementer per assiduum amorem & sentimentum Deo adhærere, quod potius quæcunque tormentorum & pœnarum genera, in quibus ipse non offenderetur, eligeret, quam illis supernis delitijs, quas in suo dilecto expertus est ad horam carere. Et ideo omnis alia voluptas est sibi mors, & semper ma-

net in illo ardore & vehementi desiderio fru-
endi his delitijs, quas apud suum superabilem
patrem & Dominum sensit.

QVINTVS gradus dicitur saturitas, tunc
enim ita anima illis Dei sentimentis saturatur,
vt nihil aliud querat vel desideret: quin potius
aliud habere vel possidere est sibi mors: tunc
in ea sopiauntur vniuersa alia desideria, gaudia,
& affectiones: & videtur sibi quod fruitur Deo,
& quod fruens Deo, fruitur omnibus quae sunt:
& quod sine illo nihil est: & quod tenens eum
est generalis regina super omne quod est, & esse
potest.

Ex omnibus praemissis quinque gradibus,
quos prefatus Seraphicus amor in mente ve-
ri contemplatiui operatur, procedit sextus,
qui appellatur raptus seu excessus mentis: non
quod ille raptus requirat quod homo videat
aliquas visiones imaginarias, vel reales: sed
requiritur quod homo videat se illuminari,
inflammari, recreari, eleuari per amorem in
suum creatorem. ita quod illud quod sentit &
videt, non potest aliquibus verbis declarari ra-
tione suae sublimitatis, bonitatis, formositatis,
puritatis, & nobilitatis. & ratio huius est, quia
ille raptus, seu mentis excessus prouenit ex gra-
tia Dei sua immensa bonitate, illa anima ita sur-
sum ferre volentis; vt nulla alia res a Deo ea ele-
uare sufficiat: cum talis eleuatio omnem potentiam
creatam transcendat. Et quia iste raptus est quid
spirituale, ideo intellectus noster onere carnis
prægrauatus non potest in eo diu permanere;

sed

sed quasi captiuus eleuatur, statim ad seipsum rediens. Habet se quoque intellectus noster in illo raptu, sicut oculus corporis intuens solis radios : qui non potest diu fixis obtutibus solem intueri; sed per modicum temporis aspicit : & mox non valens lucis solaris virtutem sustinere, clauditur; & iterum aperitur ad intuendum: & mox solis vigorem non sustinens, clauditur, simile accidit intellectui nostro in contemplatione solem iustitiae intueri conanti. Rursum est similis sagittæ quæ sursum proiecta, statim deorsum descendit ratione suæ grauedinis ad descensum eam inclinantis. Et pisci extra aquam saltanti, & mox ad eam descendedenti. Tale quid in proposito contingit.

Huic sexto gradu annexunt doctores hos duos sequentes:

Primus dicitur securitas : siquidem cum anima à suo sposo Christo Iesu experitur se tam ardenter amari, & sic illuminari, inflammari, delitiari, & rapi, concipit ab eo & in eo tantam securitatem, vt nulla huius mundi supplicia, vel corporis detrimenta, neque adhuc ipsam mortem dubitaret propter eum sustinere: & ex tunc nihil timet. Et tātam habet fiduciā in æterna Dei bonitate, quam prægustauit & expertus est, vt non formidet ab ea vñquam seiungi: quin potius confidat proculdubio se cum eo in gloria æternaliter futurum. O quanta habitat omni tempore lātitia in tali anima, quæ illam æternam beatitudinem, quam infallibiliter sperat, hic iam præuidet & prægustat.

Secundus est plena tranquillitas, nam cum
i 5 animam

animam huiusmodi nulla tribulatio neque damnna corporis , neque metus terrere valeant, sequitur eam esse in plena pace & quiete , & tanta ut nullis verbis queat explicari. Vnde super hoc dicit Richardus in suis contemplationibus: O anima Christiana cum hunc Paradisum possis ascendere , & in hac vita permanere , vnde omnia quæ possides & scis , & compara hanc gloriosam possessionem , nec cara tibi videatur: nam eius venditor Christus est , qui se offert. niuersis eam emere cupientibus.

Et est aduertendum , quod in hac vita nullam prædictarum trium viarum supra expositrum, scilicet purgatiuam, illuminatiuam, & unitiuam plene possumus persicere : sed nos ipsos in illis exercentes, ascendimus ad puritatem cordis , & charitatem perfectam in hac vita possibilem.

In exercitio primæ viæ querimus Deum: quæ quamuis inueniamus , non tamen per feruentem charitatem.

In secunda via scilicet illuminatiua offerimus hostias & sacrificia laudis , & ardenter desideriorum, spe, & auditate, ad æternam beatitudinem perueniendi.

In tertia via, scilicet unitiuia inuenimus illum, quem diligit & desiderat anima nostra.

In prima itaque via, mundanæ concupiscentiæ deseruntur. In secunda, mens illustratur: In tertia, iam quietata, quiescit in Deo. Nec putandum est quod in præsenti vita omnino à concupiscentiis purgari queas , cum hoc beatus Paulus consequi nequuerit, ut ait Augustinus: &

Tracta-

Tractatus; Beatus vir, neque valimus omnes nostras affectiones sursum erigere, quin quam earum terræ adhæreat, nam terrena inhabitatio deprimit sensum multa cogitantem, neque possumus ad tantam cordis munditiam hic venire: ut Deo incessanter per ferorem actualis amoris adhæreamus, quia quandiu in corpore viuimus, peregrinamur à Domino.

Hactenus exposuimus tres vias prædictas: & quomodo per eas si orationi & meditationi studiose vacaueris, poteris seriatim ad illud quod optas peruenire, scilicet ad vniōnem illam cum Deo amorosam. Et ideo dantes finem huic viæ vnitius, oportet ut nunc saltem breuiter tangamus, qualiter contemplando poteris ad illam seraphicam vniōnem pertingere.

QVARTA PARS.

*QVOD MAGNA LITERATURA EST
scientia, & non sapientia; & quod contemplatio
non est omnino necessaria.*

CAPVT XXXI.

QVAM VIS multi sancti, & præclari Doctores subtiliter de contemplatione locuti fuerint: sicut beatus Gregorius in Moralibus: & beatus Bernardus super Cantica: & Richardus de sancto Victore in suo libro de Contemplatione; & multi alij, ad quorum tractatus eruditum recursum habere possunt: pro minus tamen eruditis tractabimus saltem breuiter de ipsa contemplatione: licet plura de ipsa in superiori-